

Ákvörðun kaupanda í sambandi við framkvæmd útboðs eða gerð samnings á grundvelli þess verður ekki breytt eftir að tilboð frá bjóðanda hefur verið samþykkt.

Þrátt fyrir ákvæði 2. mgr. getur nefndin lýst því í álitsgerð sinni, að tiltekin ákvæði í lögum, reglum eða staðli, sem útboð vísar til, hafi verið brotin og, eftir atvikum, lagt til að ráðuneytið átelji kærða fyrir það háttermi. Hið sama á við, telji nefndin að kærði hafi farið að í andstöðu við góða síði í útboðsmálum.

Nefndin getur tjáð sig um meinta bótaskyldu kærða en eigi um fjárhæð bóta, sbr. 3. mgr. 2. gr.

14. gr.

*Úrslit kæru.*

Fjármálaráðuneyti leggur endanlegan úrskurð á kærur að fengnu álitni nefndarinnar.

Úrskurður ráðuneytis skal kynntur málsaðilum, svo og kærunefnd útboðsmála, svo fljótt sem við verður komið.

V. KAFLI

**Gildistaka.**

15. gr.

Reglur þessar eru settar skv. heimild í lögum nr. 63/1970 um skipan opinberra framkvæmda með síðari breytingum og í lögum nr. 52/1987 um opinber innkaup með síðari breytingum, sbr. og 54. gr. reglugerðar um innkaup ríkisins nr. 302/1996. Reglurnar öðlast þegar gildi.

*Fjármálaráðuneytinu, 17. september 1996.*

F. h. r.

**Magnús Pétursson.**

*Áslaug Guðjónsdóttir.*

Nr. 518

## REIKNINGUR

**Samhugar í verki fyrir árið 1995.**

**Yfirlit um söfnun og ráðstöfun.**

**Til ráðstöfunar:**

	<b>kr.</b>
Almenn framlög .....	265.404.044
Framlag til sérverkefnis frá Færeyjum .....	25.051.859
Vaxtatekjur .....	<u>719.975</u>
	<u>291.175.878</u>

**Ráðstöfun:**

Framlög og bætur til einstaklinga .....	206.360.915
Samfélagslegur stuðningur .....	39.130.666
Kostnaður við ráðstöfun söfnunarfjár .....	<u>641.117</u>
	<u>246.132.698</u>

**Óráðstafað .....**

45.043.180

**Efnahagsreikningur 31. desember 1995.****Eignir:**

Bankainnstæður .....	<u>45.043.180</u>
<b>Hrein eign</b>	<u><u>45.043.180</u></u>

**Skýrsla sjóðstjórnar landssöfnunar fyrir Súðvíkinga, Samhugur í verki.****Söfnunarfé**

Landssöfnun vegna snjóflóðanna í Súðavík í janúar 1995 nam samtals 290,5 millj. kr., og rann söfnunarféð inn á sparisjóðsreikninga í Sparisjóði Súðavíkur. Um er að ræða fram-lög frá um 32.000 einstaklingum, fyrirtækjum og stofnunum hér á landi auk þess sem fram-lög bárust erlendis frá. Þar ber hæst framlag frá Færeyjum sem ætlað er til sérstaks verk-efnis.

**Framlög og bætur til einstaklinga**

Framlög og bætur námu samtals 206,4 millj. kr. á árinu til 94 einstaklinga, þar af námu byggingarstyrkir 9,0 millj. kr. Á árinu 1995 gerði sjóðstjórnin svohljóðandi samþykkt:

*„Sjóðstjórn söfnunarinnar Samhugur í verki samþykkir að verja eftirstöðvum söfnunar-fjár, nú þegar úthlutun neyðaraðstoðar til einstaklinga og fjölskyldna er lokið, til þess að styrkja þá einstaklinga, sem bjuggu í Súðavík fyrir snjóflóðin og þurfa að koma sér upp þaki yfir höfuðið í hinni fyrirhuguðu nýju íbúðarbyggð í kaupúninu. Byggingarstyrkir verði inntir af hendir í upphafi byggingarframkvæmda, og verði greiðslur jafnar og óháðar stærð fyrirhugaðra fasteigna.“*

Úthlutun byggingarstyrkja hefur haldið áfram á árinu 1996 og er gert ráð fyrir því að eftirstöðvum fjármuna sjóðsins verði ráðstafað í þessu skyni.

**Samfélagslegur stuðningur**

Samfélagslegur stuðningur nam samtals 39,1 millj. kr., en þar er einkum um að ræða framlag til Björgunarsveitarinnar Kofra 2,0 millj. kr., til Súðavíkurhrepps, vegna húsnæðis-nefndar, 11,0 millj. kr. og til Súðavíkurhrepps vegna leikskólabyggingar 25,3 millj. kr., en það var ráðstöfun á framlagi frá Færeyjum.

**Kostnaður við ráðstöfun söfnunarfjár**

Stjórnin réði starfsmann til sjóðsins um tíma til að annast undirbúning að úthlutun bóta o.fl. Nam launakostnaður með launatengdum gjöldum vegna hans 422 þús. kr., ferðakostnaður starfsmannsins, prentun og símakostnaður, nam 219 þús. kr. eða samtals 641 þús. kr. Stjórn sjóðsins og endurskoðendur hafa ekki þegið laun fyrir störf sín, en útlagður kostnaður vegna stjórnarinnar hefur verið greiddur af þeim sem tilnefndu þá.

Stjórn sjóðsins Samhugur í verki staðfestir hér með ársreikning sjóðsins fyrir árið 1995 með undirritun sinni.

Reykjavík, 3. maí 1996.

**Pétur Kr. Hafstein.**

**Jónas Þórisson.  
Magnús Erlingsson.**

**Sigrún Árnadóttir.  
Þorbjörn J. Sveinsson.**

**Áritun endurskoðenda.**

Við höfum endurskoðað ársreikning fyrir sjóðinn Samhugur í verki fyrir árið 1995. Ársreikningurinn hefur að geyma yfirlit um söfnun og ráðstöfun söfnunarfjár fyrir árið 1995 og efnahagsreikning í lok ársins.

Endurskoðun okkar fól meðal annars í sér könnun á innkomnu söfnunarfé og ráðstöfun þess eftir þeim starfsreglum, sem stjórn sjóðsins hefur unnið eftir. Endurskoðunin fól einnig í sér könnun á bankareikningum sjóðsins og stöðu þeirra í árslok. Þá höfum við farið yfir framsetningu ársreikningsins í heild. Við endurskoðun okkar höfum við gert athuganir á þeim gögnum, sem liggja fyrir um ráðstöfun söfnunarfjárins og öðrum bókhaldsgögnum, að því marki sem við töldum nauðsynlegt

Það er álit okkar að ársreikningurinn gefi glögga mynd af söfnun og ráðstöfun söfnunarfjárins á árinu 1995 og fjárhagsstöðu sjóðsins í lok ársins.

Reykjavík, 3. maí 1996.

KPMG endurskoðun hf.,  
löggiltir endurskoðendur.

**Ólafur Nilsson.**

30. september 1996

Nr. 519

**REGLUGERÐ****um lágmarksaðstöðu grunnskóla.****1. gr.**

Reglugerð þessi tekur til lágmarksaðstöðu grunnskóla sem starfræktur er á grundvelli laga nr. 66/1995.

**2. gr.**

Sveitarfélög sjá um undirbúning og framkvæmd byggingar húsnæðis og annarrar aðstöðu fyrir grunnskóla svo og kaup á tækjum og búnaði fyrir skólana. Stofnkostnaður grunnskóla greiðist af sveitarfélögum.

**3. gr.**

Hönnun skólahúsnæðis skal unnin af fagmönnum er öðlast hafa tilskilin réttindi. Skal þess gætt að uppfylltar séu allar kröfur heilbrigðis- og byggingaryfirvalda.

Stærð og gerð grunnskólahúsnæðis skal að lágmarki miðast við að uppfylltar séu kröfur reglugerðar þessarar um húsnæði og aðstöðu til grunnskólahalds miðað við áætlaðan nemendafjölda á því svæði sem skólanum er ætlað að þjóna. Við ákvörðun um gerð húsnæðis skal tekið tillit til þess hvort um heimangöngu eða heimanakstur nemenda er að ræða. Sé gert ráð fyrir heimanakstri nemenda skal í gerð húsnæðis séð fyrir aðstöðu fyrir þá í biðtímum. Þar sem gert er ráð fyrir heimavist fyrir alla nemendur skóla, eða hluta þeirra, skal auk venjulegs skólahúsnæðis gera ráð fyrir heimilisaðstöðu þeirra og starfsmanna.

**4. gr.**

Við nýja grunnskóla og eldri grunnskóla þar sem því verður við komið skal miðað við að húsnæði til stjórnunar, félagsstarfs og kennslu í öðrum greinum en íþróttum sé að jafnaði